



Filip Moroder Doss, Helmut Perathoner y Thomas Comploj.

L'Unika mèt ora tl Ötztal

Na ancunteda nteressanta tl Aqua Dome danter scultëures de Gherdëina y chëi dl Ötztal. Scultura de ëila punduda, de castania, desmazeda te Gherdëina y fineda laora. Vint tifosi

Ert - Per merit de Florentine Prantl dla Grupa "Pro Vita Alpina" y de n valguna persones de chësta valeda dl Nordtiroel iel unit a se l dé che ai 31 de mei ons menà ora diesc tifosi y metui ora tl "Infopoint" a Ambach per tré la jënt y la mandé inant a Längenfeld tl Aqua Dome per vijité la pert culturela de chësc luech. N'ena do ons metù su na mostra coletiva dl'Unika y leprò mo 20 tifosi, metui ora te dut l Aqua Dome, che stajova scialdi bën te chësc gran palaz da nudé cun si eghes termeles. Scultëures da laora, de ndut ot, à metù ora si lëures cun nformazions de ëi, dedora alalergia, su per la Promeneda dl Fischbach.

Giaurida cun gran publich

Ai 8 de juni iel stat la giaurida de chësta manifestazion. L ie unit adalerch bën 200 persones, nscila nce personaliteies y plu jurnalisé.

Do la paroles dl'autoriteies à rujenà la critica d'ert de Viena Silvie Aigner, che à laudà dassënn chësta scumenciadiva, cun na bona critica al'Unika y a si tifosi. Per l'ucajion ti à nosc sëurastant Roland Perathoner sëurandat ala diretëura generela dl Aqua Dome Frei l zertificat dla scultura, y plu avisa se tràtel de n'ëila punduda de 250 cm, de lën de castania, aldò de n mudel de Filip Moroder Doss, desmazeda te Gherdëina y fineda laora tl'Aqua Dome da Filip Moroder Doss, Thomas Comploj y Helmut Perathoner. Grant ie stat l nteres dla jënt a udëi nascer chësta scultura. Nteres grant nce per i tifosi y l rest dla mostra. Cun chësta scumenciadiva àn dessegur judà pea a ti fé n bon inuem al'Unika y a duta la valeda de Gherdëina.

La mostra resta davierta nchin ai 31 de agost, cun i tifosi for da udëi.

Per l'Unika, Helmut Perathoner



La mostra dl'Unika tl Aqua Dome.

Poste Italiane Spa - Spedizione
in Abbonamento Postale - D.L.
353/2003 conv. in L.27/02/2004
n. 46) art. 1, comma 1, DCB
Bolzano - Taxe Perceue P -
Tassa pagata - Ordinaria
Pricec singul: 1,50 Euro

STIMPA
KASSLATTER & OBLETTER KG
STR. ROMA, 3
39046 URTRJEEI (BZ)

Nr. 26/2007 - 7 de messel 2007

IP

Redazion: tel. 0471/797199
Aministrazion: tel. 0471/789294
fax 0471/797384
e-mail: info@lauscldladins.com
www.lauscldladins.com

LA USC DI LADINS

PLATA DLA UNION GENERALE DILADINS DILA DOLOMITES
39046 Urtrjiei (BZ), Senta tha Cësa di Ladins, strada Rezia 83.

